



UNIVERSITÄTS-
BIBLIOTHEK
PADERBORN

**Praxis Iurispatronatus Acquirendi, conseruandiq[ue] illud;
ac amittendi modos breuiter continens**

Viviani, Giuliano

Romae, 1620

Cap. 7. Ponitur forma præsentationis.

[urn:nbn:de:hbz:466:1-61772](https://nbn-resolving.org/urn:nbn:de:hbz:466:1-61772)

de elect. lib. 6. Et si compro-
 13 missarij præsentent indignū,
 & compromittentes ratam
 habuerint præsentationem,
 amittunt pro illa uice ius præ-
 sentandi. dicto cap. si compro-
 missarius. §. si vero eligat.
 14 Et ꝑ sicut electo à compro-
 missarijs renunciante eligunt
 compromittentes dicto §. si
 vero eligit; ita renunciante
 præsentato, vt per Lambert.
 vbi supra dicto art. 7.
 15 Potest etiam fieri ꝑ præsen-
 tatio sub conditione incerta,
 dubia, & obscura, dummo-
 do talis conditio infra tem-
 pus datum ad præsentandum
 purificetur, incertitudo cer-
 tificetur, & obscuritas fiat
 clara. ad text. in dicta Cle-
 ment. plures. de iurepatrona-

tus. quod procedit etiam in
 patrono ecclesiastico. Nec
 obstat, quod præsentatio ec-
 clesiastici habeat vim electio-
 nis, quia, vt dicit Rocch. de
 Curte. de iurepatronat. ver-
 bo honorificum. q. 9. num. 34.
 illud procedit quo ad hoc, ne
 patronus ecclesiasticus va-
 riare possit, sicut nec electo-
 res variant, non autem quo
 16 ad reliqua. Potest ꝑ tamen ec-
 clesiasticus præsentare duos
 sub conditione, & successiue
 pro eius securitate, vt euitet
 lapsum temporis, puta præ-
 sento Stephanum, qui si fue-
 rit indignus, vel non idoneus
 præsentato Laurentium. de
 quo per Lambertin. vbi supra
 artic. 9.

C A P V T S E P T I M V M.

Ponitur forma præsentationis.

S V M M A R I V M.

- 1 Forma præsentationis.
- 2 Edicti forma ponitur in-
 fra.

- 3 Scriptura in præsentatione
 non est de substantia.
- 4 Cautela est etiam in præ-
 sentatione scripturam adhi-
 bere.

For-

Forma nunc ꝑponitur præsentationis faciendæ, vt de praxi constet. quam ponit, & declarat Lambertin. de iurepatronat. lib. 2. par. 2. quæst. 3. ar. 1. r. quæ est huiusmodi.

Iacobus Gallettus laicus nobilis Pisanus, patronus, seu in quasi possessione iurispatronatus, seu iuris præsentandi existens parochialis Ecclesiæ sancti Petri ad hirschiam Pifarum vacantis per obitum venerabilis presbyteri Sigismundi de Nobilibus vltimi, & immediati Rectoris illius extra Romanam Curiam defuncti, & infra quadrimestre à iure patronis laicis concessum, constitutus coram vobis admodum Reuerendo Domino N. Vicario Generali Illustrissimi, & Reuerendissimi Domini Archiepiscopi Pisani, cõfidens de bonis moribus, & idoneitate Venerabilis presbyteri Torpetis de Gaddis sacerdotis Pisani, eundem Torpetem coram vobis præsentat ad regimen, curam, & administrationem prædictæ Ecclesiæ sancti Petri, sacerdotem litteratum, & idoneum ad dictum beneficium assequendum, præsentem,

coram vobis existentem, & acceptantem; Petens dictam præsentationem admitti, dictumq; sic præsentatum ad dictam ecclesiam institui omni meliori modo.

Quo factò D. Vicarius de stylo dicit, visis, & auditis prædictis prædictam præsentationem admittit si & in quantum & successiue commisit fieri edictum in forma, præsentibus duobus testibus, & notario, qui se roget de prædictis, & omnia apud acta Curia reponat; cuius edicti forma ꝑponitur in cap. vlt. de elect. lib. 6. & ponitur in libro sequenti cap. 2. in qua præsentatione de necessitate, & de ꝑ substantia non requiritur scriptura, nam gloss. in cap. 1. §. postquam autem in verbo in scriptis de censib. lib. 6. enumerat casus in quibus de substantia requiritur scriptura, & non enumerat istum; bene tamen ꝑ est ad cautelam adhibere super hoc actu scripturam, maxime pro probanda quasi possessione. & de hoc Lambertin. vbi supra art. 1. 2. de iurepatronat. lib. 2. par. 2. quæst. 3. Et in fine dictæ præsentationis Canc-

cellarius Curiae Archiepiscopalis ponit diem, in qua dicta praesentatio fuit facta, &

admissa cum duobus testibus, & commissio edicti.

CAPVT OCTAVVM.

Præsentatio fieri debet coram habente instituere, & præsentatus debet præsentationem acceptare.

SVMMARIVM.

- | | |
|---|---|
| <p>1 Præsentatio fit coram habente instituere.</p> <p>2 Patronus si per epistolam præsentet, epistola intra debitum tempus est exhibenda.</p> <p>3 Præsentatus si intra debitum tempus deferat instrumentum habenti instituere, valet præsentatio.</p> <p>4 Sede vacante præsentatio fit coram Capitulo.</p> <p>5 Laicus non potest ecclesiam conferre.</p> <p>6 Ecclesia patronata in confinis duarum diocesium erit communis Episcopis illarum.</p> <p>7 Quamvis alij dicant spectare ad Episcopum, in cuius Diocesi est caput ecclesie.</p> <p>8 Alij asserunt illius Episcopi</p> | <p>esse, in cuius Diocesi est porta ecclesie.</p> <p>9 Præventioni est locus, quando instituendi potestas est pænes duos in solidum.</p> <p>10 Præsentatio si fieri debeat cum consensu alicuius, consentire debens præsens erit.</p> <p>11 Præsentatus debet acceptare præsentationem, & Præsentatio facta de præsentate, & tacente valet.</p> <p>12 Absens notus præsentatus debet intra debitum tempus consentire, & acceptare.</p> <p>13 Præsentationis acceptatio fieri debet intra debitum tempus.</p> <p>14 Præsentatus non potest cogi ad præsentationem acceptandam.</p> <p>15 Præsentatus post præsentationem potest patrono gratias agere.</p> |
|---|---|